

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՓԱՍՏԱԲԱՆՆԵՐԻ ՊԱԼԱՏ
ՄԱՍՆԱԿՈՐ ԻՐԱԿԱԿԱՆ ԿԵՆՏՐՈՆ



ПАЛАТА АДВОКАТОВ
РЕСПУБЛИКИ АРМЕНИЯ
ЧАСТНЫЙ ПРАВОВОЙ ЦЕНТР

PRIVATE LEGAL CENTER

էլ. հասցե՝ masnavoriravakankentron2018@gmail.com Հեռ. /+374/ 43 25 22 33, www.mylaw.am

ՄԻԿ-24-357
25.07.2024

ՀՀ Գեղարքունիքի մարզի
Վարդենիս համայնքի
ղեկավար
Ահարոն Խաչատրյանին

Համագործակցող ընկերության
տնօրեն, փաստաբան Ինգա
Ավագյանից

Հասցե՝ ք. Երևան, Ն. Ադոնցի 6, բն. 135

**ՄԱՍՆԱԳԻՏԱԿԱՆ ԵԶՐԱԿԱՑՈՒԹՅՈՒՆ
(վարչական իրավախախտման վերաբերյալ)**

Ք. Երևան

«25» հուլիսի 2024 թվական

Վարդենիս համայնքի Ակունք բնակավայրի բնակիչ Հայկանուշ Մանուկյանը 2024 թվականի հուլիսի 18-ին դիմում է ներկայացրել ՀՀ Վարդենիս համայնքի ղեկավարին՝ Ակունք բնակավայրի բնակիչ Սոս Գուրգենի Հայրապետյանից ժառանգություն ստացած հողամասում առկա ինքնակամ շինարարական աշխատանքներն օրինականացնելու նպատակով:

Դիմումին կից ներկայացվել է Վարդենիսի համայնքապետարանի կողմից 2024 թվականի հունվարի 16-ի գրության պատճենը, Հայկ և Արամայիս Հայրապետյանների կողմից տրված համաձայնագիրը, Ակունք համայնքի հողային բարեփոխումներ և սեփականաշնորհման տեղական հանձնաժողովի 09.07.1992թ. N5 որոշումից քաղվածքի պատճենը, Արամայիս Հայրապետյանի, Հայկ Հայրապետյանի, Հայկանուշ Մանուկյանի

նույնականացման քարտերի պատճենները, ըստ օրենքի ժառանգության իրավունքի վկայագրի պատճենը, անշարժ գույքերի հասցեներ տրամադրելու մասին քաղվածքի պատճենը, ՀՀ Կադաստրի կոմիտեի հաշվառման (չափագրման) տվյալների մուտքագրման տեղեկանքի և կից շինությունների, հողամասի հատակագծերը, Վարդենիս համայնքի Ակունք գյուղի 16-րդ փողոցի, 2-րդ նրբանցքի 28 հասցեով N 05-008-0116-0001 կադաստրային ծածկագրով հողամասում ինքնական իրականացված բնակելի տան տեխնիկական վիճակի վերաբերյալ «Թիվ 28 ՇՄՇ» ԲԲ ընկերության կողմից 2024 թվականի հուլիսի 15-ին տրված եզրակացությունը, որի համաձայն տեխնիկական վիճակը հնարավոր է բնական և անվտանգ շահագործման համար:

Համաձայն ՀՀ կառավարության 2006 թվականի մայիսի 18-ի N 912-Ն որոշման՝ Քաղաքացիներին կամ իրավաբանական անձանց սեփականության իրավունքով պատկանող հողամասերում (տնամերձ, այգեգործական, ինչպես նաև անհատական բնակելի տան կառուցման և սպասարկման համար հողամասեր) գտնվող՝ ինքնական կառուցված բնակելի նշանակության (անկախ դրանց ավարտվածության աստիճանից) շենքերը, շինությունները կարող են ճանաչվել օրինական, եթե դրանք բավարարում են Հայաստանի Հանրապետության քաղաքացիական օրենսգրքի 188-րդ հոդվածով և սույն կարգով սահմանված օրինականացման պայմանները:

Քաղաքացիներին կամ իրավաբանական անձանց սեփականության իրավունքով պատկանող հողամասերում գտնվող օրինական շենքերում, շինություններում ինքնական բացված դռները և (կամ) պատուհանները, ինչպես նաև դռների և (կամ) պատուհանների ինքնական ձևափոխումները, եթե դրանք իրականացվել են կրող կամ արտաքին պատերի վրա կամ դրանց արդյունքում փոխվել են կրող կոնստրուկցիաները, կարող են ճանաչվել օրինական՝ դրանք իրականացրած անձի (անձանց) դիմումի հիման վրա՝ իրավասու մարմնի որոշմամբ, սույն բաժնով սահմանված կարգով:

Նույն որոշման համաձայն՝ Օրինականացման ենթակա չեն այն ինքնական կառույցները, որոնց պահպանումը խախտում է այլ անձանց իրավունքները և օրենքով պահպանվող շահերը կամ վտանգ է սպառնում քաղաքացիների կյանքին ու առողջությանը,

որոնք կառուցված են Հայաստանի Հանրապետության հողային օրենսգրքի 60-րդ հոդվածով սահմանված հողամասերի վրա, ինչպես նաև ինժեներատրանսպորտային օբյեկտների օտարման կամ անվտանգության գոտիներում կամ կառուցված են քաղաքաշինական նորմերի ու կանոնների էական խախտումներով և առաջացնում են հարկադիր սերվիտուտ պահանջելու իրավունք,

օրենքով նախատեսված ժամկետներում Հայաստանի Հանրապետության կառավարության որոշմամբ սահմանված կարգով չեն հաշվառվել:

Այսպես, ուսումնասիրելով ներկայացված դիմումը և կից փաստաթղթերն ամբողջությամբ, հիմք ընդունելով վարչարարության հիմունքների և վարչական վարույթի մասին օրենքի պահանջները, այն է՝

Վարչարարության հիմունքների և վարչական վարույթի մասին ՀՀ օրենքի 4-րդ հոդվածի համաձայն՝ Վարչական մարմինները պարտավոր են հետևել օրենքների պահպանմանը:

2. Վարչական մարմինների լիազորությունները սահմանվում են օրենքով կամ օրենքով նախատեսված դեպքերում՝ իրավական այլ ակտերով:

Նույն օրենքի 36-րդ հոդվածի 2-րդ մասի համաձայն՝ Վարչական մարմինը պետք է վարչական վարույթն իրականացնի առանց դա բարդացնելու՝ լրացուցիչ լսումներ անցկացնելու, լրացուցիչ փորձաքննություն նշանակելու կամ զննում կատարելու, եթե առկա չեն գործի փաստական հանգամանքների պարզաբանման համար անհրաժեշտ պատճառներ:

Նույն օրենքի 37-րդ հոդվածի համաձայն՝ Վարչական մարմինը պարտավոր է ապահովել փաստական հանգամանքների բազմակողմանի, լրիվ և օբյեկտիվ քննարկումը՝ բացահայտելով գործի բոլոր, այդ թվում՝ վարույթի մասնակիցների օգտին առկա հանգամանքները:

2. Վարչական մարմինն իրավունք չունի չընդունելու վարչական վարույթի մասնակիցների ներկայացրած՝ վարույթին առնչվող դիմումները և փաստաթղթերը, որոնց քննարկումը մտնում է իր իրավասության մեջ:

Վարչական իրավախախտումների վերաբերյալ ՀՀ օրենսգրքի 154-րդ հոդվածի համաձայն՝ Սեփականության կամ հողօգտագործման իրավունք ունեցող անձանց կողմից այդ հողամասի վրա շենքեր և շինություններ ինքնակամ կառուցելը, ինչպես նաև բազմաբնակարան շենքերում կամ շենքերին կից ինքնակամ կառույցներ կատարելը, բացառությամբ գյուղական համայնքներում տնամերձ հողամասի վրա ինքնակամ կառուցված անհատական բնակելի տան՝

առաջացնում է տուգանքի նշանակում՝ սահմանված նվազագույն աշխատավարձի երկուհարյուրապատիկի չափով:

Գյուղական համայնքներում տնամերձ հողամասի վրա բնակելի տուն ինքնակամ կառուցելը՝

առաջացնում է տուգանքի նշանակում՝ սահմանված նվազագույն աշխատավարձի հարյուրապատիկի չափով:

Հողօգտագործման իրավունք չունեցող անձանց կողմից պետությանը և համայնքներին սեփականության իրավունքով պատկանող հողամասերի վրա շենքեր և շինություններ ինքնակամ կառուցելը՝

առաջացնում է տուգանքի նշանակում՝ սահմանված նվազագույն աշխատավարձի չորսհարյուրապատիկի չափով:

Սույն հոդվածի առաջին մասով նախատեսված արարքներ կատարել շարունակելը սույն հոդվածի առաջին մասով նախատեսված կարգով տուգանք նշանակելուց հետո՝

առաջացնում է տուգանքի նշանակում՝ սահմանված նվազագույն աշխատավարձի երկուհազարհինգհարյուրապատիկի չափով:

Նույն օրենսգրքի 37-րդ հոդվածի համաձայն՝ Վարչական տույժը կարող է նշանակվել իրավախախտումը կատարվելու օրվանից ոչ ուշ, քան երկու ամսվա ընթացքում, իսկ շարունակվող և տևող իրավախախտման դեպքում՝ այն բացահայտվելու օրվանից երկու ամսվա ընթացքում, բացառությամբ սույն հոդվածով նախատեսված դեպքերի:

Ելնելով վերը նշված իրավական նորմերի ընդհանուր մեկնաբանությունից, հիմք ընդունելով այն, որ Վարդենիս համայնքի Ակունք գյուղի 16-րդ փողոցի, 2-րդ նրբանցքի 28 հասցեով N 05-008-0116-0001 կադաստրային ծածկագրով հողամասում իրականացված ինքնակամ շինարարական աշխատանքներն իրականացվել են օրենքով սահմանված ժամկետները լրանալուց առաջ, ուստի հնարավոր եմ համարում Հայկանուշ Մանուկյանին ազատել վարչական պատասխանատվությունից՝ սահմանված ժամկետները բաց թողնելու հիմքով:

Ինչ վերաբերում է ինքնակամ կառույցն օրինականացնելուն՝ հնարավոր եմ համարում՝ հաշվի առնելով ներկայացված փաստաթղթերի՝ օրենքով սահմանված նորմերին համապատասխանությունը:

Ամփոփելով վերոգրյալը՝

Կ Ա Ր Ծ ՈՒ Մ Ե Մ

ՀՀ Գեղարքունիքի մարզ, Վարդենիս համայնքի Ակունք գյուղի 16-րդ փողոցի, 2-րդ նրբանցքի 28 հասցեով N 05-008-0116-0001 կադաստրային ծածկագրով հողամասում, որի վրա կատարվել են ինքնակամ շինարարական աշխատանքները, սեփականության իրավունքով պատկանում է Հայկանուշ Մանուկյանին, ինչպես նաև առկա է մյուս սեփականատերերի համաձայնությունը, որով առկա չէ այլ անձանց իրավունքների խախտման հիմք, հետևաբար հնարավոր եմ համարում բավարարել ներկայացված դիմումը:

Հարգանքով՝

ՄԻԿ տնօրեն, փաստաբան Ինգա Ավագյան

